

lib. 5. c. 75. & *Plin. H. N.* 12. 23. ex *Scriptoribus* novissimis *Kircherus* mund. subt. lib. 6. s. 1. c. 4. *Dn. de la Chambre* lib. de caus. inundat. *Nili*, & *Alvar. Alphons. Barba* part. 1. de generat. Metallor. c. 8.

§. XVII. *Hactenus de Sala, ac salinis Sala, causâ Belli hujus impulsivâ. Principales nunc consideremus, ex utraque parte. Hinc Hermunduri fuerunt, illinc Catzi; quorum mox rimabimur antiquas sedes, si de illorum Rege (quis extiterit?) nonnihil monuerimus. Jubillium Hermunduris sub illud tempus adhuc præfuisse credimus. Annalium antecedente libro, c. 27. occasionem belli Tacitus commemorans: *lisdem temporibus, inquit, in superiore Germania trepidatum, adventu Cattorum, latrocinia agentium.* Libro 13. sequenti, c. 57. latrocinando deditos affirmat *vi traxisse flumen gignendo sale fecundum; super libidinem cuncta armis agendi.* Suprà itidem *Annal.* 12, 29. *Per idem tempus Vannius Suevis à Druso Casare impositus, pellitur regno.* Subjicit acutus *Scriptor: Auctores fuere Jubillus, Hermundurorum Rex, & Vangio & Sido, sorore Vannij geniti.* Causâ pulsi *Vannij*, quòd per XXX. annos prædationibus & vestigalibus auxisset Regnum. Quo loco obiter notamus nomina *Jubillij Vangionisq.* Ille cur in *Chronic. Mansfeld.* 1. 1. c. 3. in corruptum alium detorqueatur sonum à *Spangenbergero*, non intelligimus, quid causæ? Germanissima vox *Zubel* / unde *Jubiliter*. Hæc *Vangionibus* haud dubiè vox nomen peperit; ut frustra hos vom *Wou* oder *Wunnau* deduxerit *Franciscus Irenicus*. Jam ad *Hermunduros* nos convertamus. *Propior* (ad *Danubium* respexit *Tacitus*, hæc scribens in, de *Germanor. moribus* libello, c. 4.) *Hermundurorum civitas, fida Romanis, eoq. SOLIS Germanorum non in ripa commercium, sed penitus, atq. in splendidissima Rhetie provincie colonia**